

Amen mangaja te kera redo ki Svedska - soske i Svedska shaj posukar. But posukar.

Isi jek Svedska kote so o lafi iskljuchuiba na postoinela vise kugja ki istorija, soske ni jek oblast nane vise iskljuchime. Jek Svedska bizo nasilje kotaro kriminalcija hem pravilija e klanengoro, kote so o zakoni hem ravnopravnost sarinenge postoinela.

Kote so i policija avela keda manush zvoninela hem na povlekuinenape keda i potrebno. Kote so o zrtve, e kriminaleskoro a na o izvrsitelja, dobinena osteta hem zashtita. Kote shaj te osetine tut bezbedno keda sijan avrijal soske o zlostorniko i ko zatvor.

Isi jek Svedska kote so sa o chave shaj te diken pe roditelen sar dzana ki buti. Kote so uvek isplatinelapes te kerelpes buti hem trudinelapes kozom shaj. Kote so keriba buti hem o bukarno pobedinela o hovaiba hem losno opravduiba, hem kote so i blagosostojba zashtita postoinela odole manuseske so i potrebno.

Isi jek Svedska kote so i skola i jek bezbedno than sikljovibaske hem putubaske e klaseja. Kote so sa o chave shaj rano te sikljojen i svedsko chib. Kote so o chave hem o roditelja shaj korkori te birinen, hem kote so ni jek ucheniko nane te ovol kvotirime ili prisilime.

Isi jek Svedska kote so nikoj nane te astarel ole muka keda ka phravel o rachuni strujake.

Keda valjani te vozine te chaven kofudbalsko trening ili ki muzicko skola te ovol tut moguchnost te vozine to vorda, bizo obzir dali dzala ko benzini ili ki struja.

Isi jek Svedska kote so i klimatsko nuklearno energija dela chisto, stabilno hem eftino struja, hem kote so i posledno naftakiri centrala i achavdi. Kote so o ekoloska chora platinena, a tu shaj te dozvoline tuke te kine jek plastichno kesa keda pazarineja jek puti ko kurko.

Akaja Svedska i ko dohvati - samo i potrebno volja hem snaga te kerelpes odova. E Moderaten isi volja hem snaga.

Akana ka ovol redo ki Svedska.

Romani

Akana ka sredina i Svedska



Adzjahare ka kera te ovol bezbednost:

- pobuter policajcija, pobare plate policijenje hem platime skoluiba policajceske
- pobaro ovlastuiba policijake, zone te posetinenpe kote so shaj te zapleninen oruzje
- anonimno svedokija, kote so shaj o manusha te osudinenpes te svedochinen protiv kriminalcija
- izgon e stransko drzavjanenge so kerge phare krivichno dela ki Svedska.
- pobari kazna, te na postoinel popust bashi o keriba krivichno delo hem ukiniba kazna e kriminalcenje so i pophure kotar o 18 bersh

Adzjahare ka kera te ovol redo bukaja:

- potikno porezi keribaja buti, narocito tikne hem sredno plate
- plafoni za nadomestok, soske te shaj uvek te isplatinelpes te kerelpes buti
- uslovija te rodelpes odole manushestar so priminela pomoch
- potikno porezi e penzijenge - valjani te isplatinelpes keribaja buti
- nacionalno popis hem borba protiv o kriminaltsvo hem iskljuchuiba

Adzjahare ka kera te ovol redo e ekonomijaja:

- mate ovol porezi bashi imovina hem dazbine ko domakinstvo
- potikno porezi benzineske hem dizeleske
- potikno porezi ko shtediba (investicijakoro konto, ISK)
- posukar uslovija hem smanjime regulatorno problemija e kompanijenge
- redo ko javno finansije

Adzjahare ka kera te ovol redo e klimakoro snabduiba elektricno energija:

- uloziba ki nuklearno energija
- chisto transportija preku elektricno infrastruktura keribaske buti hem pheriba
- te ojachinelpes o moguchnostija e industrijake te promeninel o exporti pohari klimatsko otiskoja
- bajarriba o pomoch bashi i klima
- Internacionalno keriba buti, prvenstveno e EU - ja

Adzjahare ka kera te ovol redo ki integracija:

- strogo emigracija, hem izgon odole manushenge so nane olen dozvola beshibaske ki Svedska
- jasno linije keribaske buti hem baro rodiba te sikljovolpes i svedsko chib
- chibjakoro skrining ko BVC hem obavezno chibjakiri predskola
- zabranime o zeniba bratuchetencar, hem postrogo kazne bashi o nasilje hem o pharno muj
- zabrana bashi o klansko sudiba hem specijano ispituba ki policija

Adzjahare ka kera te ovol redo ki skola:

- fokus bashi sikljoviba te merinelpes hem pobuter vreme ki nastava
- pojasno ovlastuiba e uchitelenge hem e direktorenge te odrzinjen mir hem redo
- zastitita ko slobodno biriba skola, hem borba protiv neprijatelsko akterija hem izmamnikija
- centralno korekcija e nacionalno ispitenge te sprotistavinelpes i inflacija ocenengiri
- stop kvotencar hem te terinenpes e chaven te dzan ko losno skoler